

AKHBAR : BERITA HARIAN

MUKA SURAT : 14

RUANGAN : NASIONAL

Laksana jika fasiliti KKM lengkap

Kementerian kaji dari pelbagai sudut elak tambah beban kerja kakitangan

Oleh Suzalina Halid, Muhammad Yusri Muzamir dan Noor Atiqah Sulaiman
bhnews@bh.com.my

Putrajaya: Sistem dua syif akan hanya dilaksanakan secara menyeluruh di klinik kesihatan jika ada penambahan jawatan dan peralatan di kemudahan itu bagi mengurangkan beban kerja di Kementerian Kesihatan.

Ketua Pengarah Kesihatan, Datuk Dr Noor Hisham Abdullah, berkata sebelum penambahan jawatan itu, sistem dua syif berkenaan mungkin dilaksanakan dahulu secara perintis di beberapa klinik kesihatan.

"Kalau menggunakan sumber manusia sedia ada mungkin ramai tidak setuju sebab kena kerja

dua syif dari pagi sampai malam contohnya, jadi kita kena melihat isu pelaksanaannya.

"Justeru, sebelum dilaksanakan harus melihat pada sumber manusia warga KKM dan penambahan jawatan," katanya pada sidang media harian, di sini semalam.

Beliau berkata demikian bagi mengulas gesaan Kongres Kesatuan Pekerja-Pekerja Dalam Perkhidmatan Awam (CUEPACS) supaya ditangguhkan cadangan pelaksanaan sistem syif di klinik kesihatan di seluruh negara sehingga perbincangan dengan kesatuan dijalankan.

Pada masa sama, beliau berkata KKM akan melakukan perbincangan dengan agensi berkaitan berhubung pelaksanaan itu.

Terdahulu, Presiden CUEPACS, Adnan Mat, dalam satu kenyataan menggesa Kementerian menangguhkan cadangan bekerja syif seluruh negara hingga perbincangan bersama kesatuan dan pihak berkepentingan diadakan.

Gesaan itu dibuat selepas CUEPACS menerima laporan, Kementerian sedang menjalankan pungutan suara dalam ka-

langan kakitangannya.

Katanya, pungutan suara itu dibuat bagi meneliti cadangan pelaksanaan sistem syif dengan alasan utama diberikan bagi memastikan penjarakan sosial amalkan untuk mengelak kesesakan dalam premis terbabit.

Katanya, penting untuk Kementerian mengadakan perbincangan dengan pihak berkenaan supaya maklum balas diterima daripada pekerja dan kesatuan diberi perhatian sebelum apa-apa cadangan dilaksanakan.

Kementerian dikatakan mahu

Sebelum dilaksanakan harus melihat pada sumber manusia warga KKM dan penambahan jawatan.

Dr Noor Hisham Abdullah,
Ketua Pengarah Kesihatan

mewujudkan sistem dua syif dalam kalangan kakitangan di klinik kesihatan, iaitu pagi dan petang, bermula jam 8 pagi hingga 10 malam.

"Banyak cara lain boleh dilaksanakan untuk memastikan penjarakan sosial dan mengelak kesesakan di klinik kesihatan, bukan dengan pelaksanaan sistem syif yang akan menimbulkan lebih banyak masalah nanti.

"Waktu operasi sedia ada di klinik kesihatan ialah antara jam 7.30 pagi hingga 5 petang dan dilanjutkan sehingga 9.30 malam yang sudah hampir menyamai hasrat KKM supaya penjarakan sosial dilaksanakan di klinik," katanya.

Adnan berkata, Kementerian tidak mempunyai keupayaan bagi melaksanakan sistem syif di klinik kesihatan berikutan jumlah staf di fasiliti kesihatan awam masih tidak mencukupi untuk memberi perkhidmatan terbaik kepada masyarakat.

Katanya, jumlah kakitangan di klinik kesihatan seluruh negara 'hanya cukup-cukup sahaja', sekali gus tidak mewajarkan me-

reka dibahagikan kepada dua syif, selain dikhuatiri akan menyebabkan premis itu gagal berfungsi dengan baik.

Hasil kajian CUEPACS juga mendapati hampir semua pesakit memilih untuk mendapatkan rawatan di klinik kesihatan sebelum jam 5 petang, berikutan akses pengangkutan awam yang lebih mudah.

"Ia belum mengambil kira staf perlu bercuti rehat atau sakit. Bayangkan apabila staf pada hari biasa dengan kekuatan 10 jururawat; petugas makmal (lima); doktor (enam) dan petugas farmasi (empat) dibahagikan kepada dua syif.

"Walaupun cadangan sistem syif ini baik untuk rakyat, tetapi sukar dilaksanakan kerana kekurangan sumber; terutamanya membabitkan isu kekurangan staf dan sistem yang menyedihkan di majoriti klinik kesihatan.

"Akhirnya, penjawat awam akan menjadi mangsa dan ter tekan, selain rakyat tidak lagi menerima perkhidmatan yang baik," katanya.



BH TV